

## TOKIKO MERKATARITZA, ETA EKONOMIA JASANGARRIA ETA SOLIDARIOA BULTZATZEKO TOKIKO MONETA SOZIALAREN ERABILERARAKO DIRULAGUNTZAK.

Egungo erronka globalen testuinguruan, herritarren beharrei herri gisa erantzuteko prozesua jarri du martxan Hernaniko Udalak: *Hernani Burujabe*.

*Hernani Burujabe* herri gisa burujabetza, justizia soziala eta ongizate handiagoa eskuratzeko asmoz sortutako proiektua da, eta eguneroko bizitzan beharrezkoak diren arlo nagusietan subiranotasunerantz joatea da bere xedea.

Bide horretan, hainbat erronkari aurre egin beharko dio: energia modu jasangarriago batean kontsumitzeko erronka; zaintza sistema duin bat eraikitzeko erronka; pobrezia eta bazterketa soziala murrizteko erronka; teknologia baliabideak (gero eta beharrezkoagoak) guztion eskura egotea bermatzeko erronka; tokiko ekoizleak, merkatariak eta produktuak sustatzeko erronka...

*Hernaniko Merkataritzaren Ekintza Plana 2019an*, moneta lokala tokiko merkataritza sustatzeko ardatzetako bat gisa islatzen da (5. ardatza, 5.1 lerroa) eta praktika horren hainbat erreferentzia aipatzen dira: *Eusko Iparraldean*, *Ekhi Bizkaian*, *Txanpon Nafarroan*, *Rec Bartzelonan* eta *Costavales Galizian*.

Hernaniko Udalak, Ekhilur kooperatibaren bazkide laguntzaile izateko eta *Ekhi* izeneko moneta soziala martxan jartzeko erabakia hartu zuen 2021eko otsailaren 23ko osoko bilkuran. *Ekhi moneta sozialaren* erabilera lagungarria izango da Hernanin %100 tokiko merkataritza, eta ekonomia jasangarria eta solidarioa bultzatzeko.

*Berriak* elkarteak, Hernaniko merkataria eta ostalari elkarteak, laguntzaile izango da tokiko moneta soziala sustatzeko prozesuan.

- Hobarien kanpaina sustatuko du, horren berri emanaz.
- Interesa duten bazkidei informazioa emango die.
- Zubilanak egingo ditu interesatua eta Ekhilur kooperatibaren artean (hitzorduek koordinatuaz...).
- Bere bulegoaren disonibilitatea bazkide interesatuak artatzeko...
- Ekhi moneta sozialaren erabilera sentsibilizatzeko hitzaldiak antolatzeke laguntza emango du.
- Monetaren inguruko informazioa herritarren eskura egongo da bulegoan: kartelak, eskuorriak...

Beraz, Hernaniko Udalak agente aktibo izan nahi du eraldaketa horretan eta, horretarako, Hernanin Ekhiaren erabilera sustatzeko dirulaguntza deialdia aurkezten du.

Hernanin Ekhiaren erabilera sustatzeko dirulaguntza deialdiaren helburuak hauek dira:

- 1- Herrian zirkuito ekonomiko itxiak sortzea, tokiko ekonomia eta merkataritza indartzeko.
- 2- Herritarren erosketa ohiturak aldatzea, erosketak herrian egitera animatuz, ekonomia jasangarria bultzatu ahal izateko.
- 3- Komunitatea indartzea (herritarrek, enpresa txikiak-ertainak, Udala...), lehiatu beharrean, inguruko bizitza soziala eta ekonomikoa hobetzen lagunduz.
- 4- Hurbiltasun-ekonomia indartzea, ikuspegi solidariorik, gizarte-ongizatea eta justizia ekarriko duten balioak sustatuz.
- 5- Udalerriko hiri ekonomia dinamizatzea, beste neurri batzuen osagarri eta indargarri gisa jardunez.

Horrelako laguntzek sor dezaketen enpresa sendotzearen dinamika ez da bateraezintzat jotzen lehia indarren joko askearekin, lehiarako gutxieneko murrizketarekin eta zeharkako etekina merkataritza banaketako enpresa gutxi batzuetan kontzentratzea saihesteko neurriekin egiten baita.

Horregatik guztiagatik, eta Dirulaguntzei buruzko azaroaren 17ko 38/2003 Lege Orokorrearekin, Dirulaguntzei buruzko azaroaren 17ko 38/2003 Lege Orokorren Erregelamendua onartzen duen uztailaren 21eko 887/2006 Errege Dekretuarekin eta Toki Araubidearen Oinarriak arautzen dituen Legearekin bat etorritz, honako hau

## **EBATZI DUT**

Hiri-ingurunea dinamizatzeko eta hiri-ekonomia bultzatzeko helburua izango duen Ekhi Hernaniko moneta sozialaren erabilera herritarren artean sustatzeko dirulaguntza kanpainaren oinarri arautzaileak eta deialdia onartzea.

### **1. Artikulua.- Helburuak.**

Deialdi honen helburua da Hernaniko Tokiko merkataritza, eta ekonomia jasangarria eta solidarioa bultzatzeko, merkatal kontsumoa eta Ekhi moneta sozialaren erabilpena sustatzeko dirulaguntza arauak onartzea.

### **2. Artikulua.- Kreditu erabilgarria**

Deialdi honetarako 200.000 euro erabiliko dira, 1 02.481.02.431.00 2021-6334-MERKATARITZA-KONTSUMO-BONOAK aurrekontu partidaren kargura.

### **3. Artikulua.- Diruz lagunduko direnak eta aplikazio eremua.**

Ekhilur Hernaniko erosketa-sistema sarean, kontua duten erabiltzaileen artean erosketarako hobariak banatuko ditu Udalak, ondoko ezaugarrien arabera:

1. 2023ko martxoaren 1etik 2023ko abenduaren 31ra, sareko erabiltzaileek, pertsona fisikoek nahiz juridikoek, egiten dituzten erosketei % 10eko hobaria gehituko die Udalak, erabiltzaile bakoitzaren sareko kontuan.
2. Kreditu erabilgarria homogeneoki banatuko da dirulaguntza oinarriok indarrean dauden epealdian. Hau da, hilean gehienez 20.000 €-ko partida bat ezartzen da. Hilabeteko partida agortzean, ez da hobari gehiagorik banatuko hurrengo hilabeteko partida aktibatu arte.
3. Erabiltzaile bakoitzak, pertsona fisikoa nahiz juridikoa izanda ere, gehienez 100 €-ko balioa duen dirulaguntza jaso ahal izango du hilabete bakoitzeko. Zenbateko hori gaudituta, ez zaio erosketetarako hobaririk emango hurrengo hileko kreditua aktibatu arte.
4. Hobaria jasoko duten Ekhi Hernani sareko erabiltzaileak izango dira Hernanin erroldatutako 18 urtetik gorako pertsona fisikoak baita Hernanin helbide soziala duten entitateak ere.
5. Partikularren arteko diru trukeak ez dira diruz lagunduko.

Bestalde, Udalak bermea emango die herritarrei, merkatariei, kooperatibei, enpresei eta elkartei 2023ko abenduaren 31ra arte, mantentze-gastuak eta elkarte-kuotak ordain ez ditzaten.

#### 4. Artikulua.- Laguntzen izaera.

Programa honen esparruan ematen diren laguntzak itzuli beharrik gabeko dirulaguntzak dira.

#### 5. Artikulua.- Laguntzak kudeatzeko organoa.

Turismo eta Merkataritza Sailari dagokio deialdi honetan aurreikusitako laguntzak kudeatzeko lanak egitea, erakunde laguntzailearekin elkarlanean.

#### 6. Artikulua. Onuradunak

1. Hernanin kokatuta dauden saltokiak, kooperatibak, enpresak eta elkarteak.
2. Jarduerearen egoitza Hernanin duten norberaren konturako langileak.
3. Hernanin erroldatutako 18 urtetik gorako pertsona fisikoak.

Aipatutako horiek izango dira hobari hauen onuradunak, betiere ezarritako baliabide eta bideetatik eskuratu badituzte.

#### 7. Artikulua.- Erakunde laguntzailea.

1. EKHLUR kooperatibarekin elkarlanean banatuko dira hobarien bidezko dirulaguntza funtsak, eta dirulaguntzaren baldintzak eta eskakizunak betetzen direla egiaztatu ere bai.
2. Lankidetzaren hitzarmenaren bidez gauzatuko da elkarlana, Dirulaguntzei buruzko azaroaren 17ko 38/2013 Lege Orokorren arabera. Lege horretan eta dirulaguntzak kudeatzeko erakunde laguntzaileentzako garapen xedapenetan aurreikusitako araubide juridikoa aplikatuko zaio erakundeari.
3. Deialdiaren oinarriak argitaratzearekin batera, hobarien kudeaketarako diru funtsa erakunde laguntzailearen esku utziko da, oinarri hauetan jasotako arau eta prozeduraren baitan Hernaniko Ekhi moneta sozialaren sareko erabiltzaileen artean bideratu ditzan: % 35 oinarriak argitaratzean, beste % 35 kanpainako lehen hiru hilabeteak igarotakoan, behin justifikazio partzialeko lehen txostena jasotzean; eta, gainerako % 30, lehen sei hilabeteak igarotakoan, behin justifikazio partzialeko bigarren txostena jasotzean. Bigarren eta hirugarren ordainketak egin aurretik, aurreko hilabeteetarako ezarritako kreditua agortu dela egiaztatuko da. Hala ez bada, doikuntza bat aplikatuko da ordainketa horietan, erakunde laguntzailearen esku jarraitzen duen zenbatekoa kenduz.
4. Kanpaina amaitu eta hilabetera justifikazio txostena aurkeztu beharko du, lankidetzaren hitzarmenaren jasota bezala. Ezarritako kreditua ez balitz agortuko, erakunde laguntzaileak soberakin guztia itzuli beharko du.

#### 8. Artikulua.- Parte hartzeko baldintzak.

1. Entitateak eta norberaren konturako langileak. Dirulaguntza deialdi honetan parte hartzeko aukera izango dute Ekhi moneta soziala ordainketa modu gisa onartzen duten enpresek, saltokiek, kooperatibek, elkarteek eta norberaren konturako langileek. Horiek guztiek honako hauek egiaztatu beharko dituzte, erantzukizuneko aitopenen bidez:

Gudarien plaza 1 – Tel. 943 337 000 – Fax 943 55 26 96 – e-mail: [hhz@hernani.eus](mailto:hhz@hernani.eus)

a) Ez dutela inongo debekurik Dirulaguntzei buruzko azaroaren 17ko 38/2003 Lege orokorraren 13. artikuluan aurreikusitako onuradun izaera lortzeko.

b) Zerga betebeharretan egunean daudela, bai Gizarte Segurantzarekin eta bai Ogasunarekin. Hernaniko Udalarekin zorrik ez dutela.

c) Entitatearen egoitza edo, norberaren konturako langileen kasuan, jardueren egoitza Hernanin daukatela.

2. Herritarrak. Parte hartzeko aukera izango dute Ekhi monetan soziala ordainketa modu gisa onartzen duten herritarrek. Horretarako beharrezkoa izango da:

a) Hernanin erroldatuta egotea.

b) 18 urte beteta izatea.

c) Hernaniko Udalarekin zorrik ez izatea.

Udalak edozein unetan eskatu ahal izango du baldintza horiek betetzen direla egiaztatzeko beste edozein agiri.

## **9. Artikulua.- Programan parte hartzeko prozedura eta epea.**

Ekhi Hernaniko moneta sozialaren erabilera herritarren artean sustatzeko dirulaguntza kanpainen parte hartzeko prozedura eta epea:

1. Ekhilur kontu bat sortu, [www.ekhilur.eus](http://www.ekhilur.eus) web orriaren bidez.
2. Kontuan errekeraga bat egin, kanpainen parte hartzeko balditzak onartu, eta sistemaren bidez erosketak bideratu.
3. Epea: 2023ko martxoaren 1etik 2023ko abenduaren 31ra.

## **10. Artikulua.- Parte hartuko duten entitateen betebeharrak.**

Hernanin Ekhiaren kanpainen parte hartuko duten entitateen eta norberaren konturako langileen betebeharrak hauek izango dira:

1. Publizitateko materialak establezimenduan ikusteko moduan jartzea.
2. Ekhilur erabiltzaileei sistemaren bidezko ordainketak onartzea, baita esku-diruarekin kontua kargatzeko aukera ematea ere.

## **11. Artikulua.- Erakunde laguntzailearen betebeharrak.**

1. EKHILUR kooperatibak, dirulaguntza kudeatzen laguntzen duen erakundea den aldetik, jarduera hauek egingo ditu:

- a) Programa orokorrean hedatzea, bere webgunean, sare sozialetan eta komunikabideetan, bai banaka ere, txikizkako saltoki guztiei.

- b) Interesa duten saltokiei informazioa ematea eta kanpainarekiko atxikimendua formalizatzeko laguntza ematea.
- c) Hobaria jaso duen salerosketa bakoitzaren eskakizunak bete direla egiaztatzea.

2. Jarduketa horiek gauzatzean, negozioaren eta pertsonen datuei dagokienez konfidentzialtasun eta isiltasun betebeharrak bete beharko ditu. Egiaztapen lanak egin ondoren, dokumentazio guztia Turismo eta Merkataritza Sailera bidali beharko da, lankidetzaz hitzarmenean arautu moduan.

## **12. Artikulua.- Ikuskatzea eta ez-betetzeak.**

Hernaniko Udalak, programaren arduradun den heinean, egokitzen jotzen dituen egiaztapen, ikuskapen eta gainerako kontrol guztiak egin ahal izango ditu, baliabide publikoak ondo erabiliko direla eta laguntza programa hau modu egokian garatu eta aplikatuko dela ziurtatzeko. Hernaniko Ekhiaren erabilerarako sareari atxikitako enpresa edo herritarrek ez-betetzereen bat eginez gero, Hernaniko Udalak atxikipena bertan behera utzi dezake, eta ez-betetzereen ondoriozko neurriak aplikatu.

Sareari atxikitakoak behartuta daude Hernaniko Udalak laguntzen zertarakoa fiskalizatzeko eskatzen dien informazio guztia ematera.

## **13. Artikulua.- Adostasun-adierazpena.**

Diru-laguntzaren eskaera aurkeztean, eskatzaileak bere adostasuna ematen du eta adierazten du oinarri hauek ezagutzen dituela, deialdian ezarritako baldintza guztiak betetzen dituela eta deialdia oso-osorik onartzen duela.

## **14. Artikulua.- Datu pertsonalen babesa.**

Eskatzaileak adierazten du eskabidean jasotako datu pertsonalak bere baimenarekin jasotzen direla, eta onartzen duela datu horiek modu automatizatuan trata daitezela, eta baimena ematen duela datu horien erabilera udal-kudeaketara soilik mugatzeko, nahiz eta datu horiek beste administrazio publiko batzuei eta haien erakundeei laga edo jakinarazi ahal izango zaizkien, Datu pertsonalak babesteko 2016ko apirilaren 27ko EB 2016/679 Erregelamendu Orokorren 6.1.e. artikuluan aurreikusitako kasuetan.

## **AZKEN XEDAPENAK**

Administrazio bidea amaitzen duen deialdi honen aurka, aukerako berraztertze errekurtsoa ezarri ahal izango diote interesdunek, hilabeteko epean, argitaratu eta biharamunetik hasita; bestela, administrazioarekiko auzi errekurtsoa ezar daiteke Euskal Autonomia Erkidegoko Auzitegi Nagusiaren Administrazioarekiko Auzietako Salan, bi hilabeteko epean, agindua EHAAn argitaratu eta biharamunetik hasita.